

05.06.2010
10.06.2010

01-50-1/15-76/10

Broj: 05-19-789-1/10
Sarajevo, 25.05.2010. godine

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
ZASTUPNIČKI DOM
Trg BiH 1
SARAJEVO**

Predmet: *Odgovor na zastupničko pitanje.*

Na 76. sjednici Zastupničkog doma Parlamentarne skupštine Bosne i Hercegovine održanoj 21. travnja 2010. godine, zastupnik Rifat Dolić postavio je zastupničko pitanje, na koji dajemo slijedeći odgovor:

Agencija za privatizaciju u Federaciji Bosne i Hercegovine sukladno Odluci o obvezi zaštite državne imovine, finansijskih potraživanja i dugovanja pravnih osoba iz Bosne i Hercegovine u drugim državama bivše SFRJ („Službeni glasnik BiH“, broj 2/04) koju je donijelo Vijeće ministara Bosne i Hercegovine i Zakonu o početnoj bilanci stanja poduzeća i banaka („Službene novine Federacije BiH“, br. 12/98, 4/99, 47/06, 38/08 i 65/09) poduzela je sve radnje iz svoje nadležnosti u cilju zaštite stvari i prava iz pasivne podbilance.

Za dio potraživanja koja nisu usuglašena podnesene su tužbe pred mjesno i stvarno nadležnim sudovima u državama nastalim raspadom bivše SFRJ, temeljem Odluke o davanju ovlasti za zastupanje pred sudovima u državama nastalim raspadom bivše SFRJ, V broj 250/07 od 30.05.2007.godine, koju je donijela Vlada Federacije Bosne i Hercegovine. Ova Agencija je blagovremeno odabrala odvjetnike i podnijela tužbe vodeći računa o roku zastare po Aneksu G Okvirnog sporazuma o pitanjima sukcesije.

Nadalje, ova Agencija blagovremenim reagiranjem spriječila je prodaju imovine poduzeća iz Bosne i Hercegovine u Republici Srbiji koja je omogućena Zakonom o izmjenama i dopunama Zakona o privatizaciji („Službeni glasnik RS“, br. 123/2007) gdje članak 3. stavak 5. Zakona glasi: „U skladu sa odredbama ovog zakona privatizuje se kapital i imovina u društvenim preduzećima osnovanim od delova preduzeća u Republici Srbiji čije je sedište na teritoriji republika bivše SFRJ.“ i Uredbom o izmjenam i dopunama Uredbe o zaštiti imovine delova preduzeća čije sedište je na teritoriji bivših republika SFRJ („Službeni glasnik RS“, br. 31/01, 61/08, 109/08, 14/09, 40/09, 79/09 i 111/09). Primjenom narečenog Zakona i Uredbe Republika Srbija daje primat domaćem zakonodavstvu nad međunarodnim ugovorom koji ima jaču snagu u odnosu na domaće zakonodavstvo. Ovim jednostranim aktom Republike Srbije koji je u suprotnosti sa Okvirnim sporazumom o pitanjima sukcesije – Anex G, Bosni i

Hercegovini odnosno Federaciji Bosne i Hercegovine nanosi se velika financijska šteta.

Napominjemo, da je na području Federacija Bosne i Hercegovine vraćena imovina poduzećima sa sjedištem u Republici Srbiji, čime je princip reciprociteta u potpunosti ispunjen od strane Bosne i Hercegovine.


Okvirni sporazum o pitanjima sukcesije pravi razliku i posebno tretira državnu imovinu i imovinu poduzeća i fizičkih osoba koju definira Anex G. Privatno vlasništvo je neprikosnoveno te nikakvim uvjetima Republika Srbija nemože ucjenjivati vlasnike imovine u ovom slučaju Federaciju Bosne i Hercegovine ili kanton.

Agencija za privatizaciju u Federaciji BiH uputila je više dopisa Agenciji za privatizaciju Republike Srbije kojim je istu upozoravala da prilikom privatizacije, stečaja ili prinudne likvidacije poduzeća formiranih na imovini poduzeća iz Federacije BiH – BiH, imovina nemože biti predmetom privatizacije, stečaja ili prinudne likvidacije, što je u suprotnosti sa Okvirnim sporazumom o pitanjima sukcesije – Anex G, u suprotnom Bosna i Hercegovina – Federacija BiH će poduzeti sva pravna sredstva na zaštiti iste.

Bosna i Hercegovina uputila je diplomatsku notu Republici Srbiji, kojom je traženo stavljanje van snage Uredbe o izmjenama i dopunama Uredbe o zaštiti imovine delova preduzeća čije je sjedište na teritoriju bivših republika SFRJ, ali narečena diplomatska nota nije imala za rezultat prestanak važenja Uredbe nego je Vlada Republike Srbije produžila rok do 30.06.2010. godine za prijavu poduzeća iz država nastalih raspadom bivše SFRJ.

Nadalje, naš stav je da se van snage stave odredbe Zakona o izmjenama i dopunama Zakona o privatizaciji kojim se regulira privatiziranje kapitala i imovine u društvenim poduzećima osnovanim od dijelova poduzeća u Republici Srbiji čije je sjedište na teritoriji republika bivše SFRJ i Uredba o izmjeni i dopuni Uredbe o zaštiti imovine delova preduzeća čije je sjedište na teritoriju bivših republika SFRJ koje su u suprotnosti sa Okvirnim sporazumom o pitanjima sukcesije-Anex G.

S poštovanjem,



Dostaviti:

-naslovu,

-Bosna i Hercegovina Federacija BiH, Vlada Federacije BiH, Ured Premijera, Alipašina

41, Sarajevo,

-a/a.